



## Hydref 2021

### Croeso i e-fwletin mis Hydref Cymru Iach ar Waith

Mae ein e-fwletin misol yn darparu'r wybodaeth ddiweddaraf gan dîm Cymru Iach ar Waith, gan gynnwys canllawiau Covid-19, newyddion iechyd a llesiant yn y gweithle, dolenni i ymgyrchoedd a digwyddiadau sydd ar ddod ynghyd â diweddariad i chi ar gynlluniau'r rhaglen ar gyfer y dyfodol.

Mae croeso i chi rannu'r e-fwletin hwn gyda'ch cydweithwyr a'ch rhwydweithiau. Gallwch weld yr wybodaeth danysgrifio isod.

---

### Canllawiau Diweddaraf Covid-19

Mae [gwefan Cymru Iach ar Waith](#) yn siop un stop am wybodaeth, pecynnau cymorth ac adnoddau sy'n gysylltiedig â COVID-19, gan gynnwys asesiadau risg, canllawiau sector, gwybodaeth frechu ac ymgyrchoedd a gwybodaeth iechyd ehangach.

### Mae Cymru gyfan ar lefel rhybudd 0

Darllenwch y canllawiau cyfredol [yma](#).

Gellir gweld cyfeirlyfr cymorth, arweiniad a chwestiynau cyffredin Busnes Cymru [yma](#).

### Newidiadau diweddar

Mae'n ofynnol i bobl ddangos [Pàs COVID y GIG](#) i brofi eu bod wedi'u brechu'n llwyr neu wedi cael Prawf Llif Unffordd negyddol i fynd i:

- glybiau nos
- digwyddiadau dan do heb seddi pan fo dros 500 o bobl yn cymysgu'n agos am gyfnodau hwy
- digwyddiadau awyr agored heb seddi pan fo dros 4,000 o bobl yn cymysgu'n agos am gyfnodau hwy
- unrhyw ddiwyddiad gyda dros 10,000 o bobl

Gellir gweld cyfeirlyfr cymorth, arweiniad a chwestiynau cyffredin Busnes Cymru [yma](#).

---

### Digwyddiad Canmoliaeth COVID-19 Cymru Iach ar Waith

A ydych chi wedi cofrestru i fynychu ein Digwyddiad Cymeradwyo yn sgil Covid-19 rhithiol?

[Cofrestrwch nawr i fynychu](#)

Ers dechrau 2020, COVID-19 fu'r bygythiad mwyaf i fusnesau a sefydliadau. Maent wedi goresgyn llu o heriau uniongyrchol ac ymarferol ac maent yn parhau i wneud hynny er mwyn sicrhau lefel o gadernid, hyder a diogelwch i'w gweithlu. Wrth i gyfyngiadau symud lacio, mae cyflogwyr yn mynd i'r afael â heriau newydd wrth iddynt baratoi i ddod â gweithwyr yn ôl i'r gweithle.

Er mwyn cydnabod ymdrechion a chyflawniadau cyflogwyr yn ystod y pandemig, mae Cymru Iach ar Waith yn trefnu digwyddiad cymeradwyaeth rhithwir i gyflogwyr ledled Cymru sydd wedi dangos arloesedd a chreadigrwydd yn eu hymateb i'r pandemig. Bydd y digwyddiad hwn hefyd yn darparu cyfleoedd i gyflogwyr ddysgu oddi wrth ei gilydd ac i arddangos eu cyflawniadau yn ystod y cyfnod heriol hwn.

Bydd y digwyddiad yn cael ei gynnal gan y darlledwr Geraint Hardy a bydd y rhai sy'n derbyn cymeradwyaeth buddugol yn cael eu cyflwyno gan Lynne Neagle AS, Y Dirprwy Weinidog Iechyd Meddwl a Llesiant.

Am ragor o wybodaeth, ewch i:

<https://freshwater.eventscase.com/CY/HWWCommendationEvent>

---

## Ymateb i Bandemig Covid-19: Arloesi ac Arferion Gorau Cyflogwyr

Mae adroddiad newydd gan dîm Cymru Iach ar Waith yn canolbwyntio ar effaith Covid-19 ar y gweithlu yng Nghymru a sut y mae cyflogwyr wedi ymateb i ofynion y pandemig. Mae hwn yn cynnwys cyfres o astudiaethau achos, sy'n dangos sut y mae deiliaid gwobrau Cymru Iach ar Waith wedi ymgorffori ffyrdd newydd o weithio i gefnogi eu gweithluoedd orau.

Gellir dod o hyd i'r adroddiad llawn ac astudiaethau achos [yma](#).

---

## Dyddiadau Allweddol

1-30 Tachwedd [Mis Ymwybyddiaeth Iechyd Dynion a Tashwedd](#)

Mae'r rhai sy'n codi arian ar gyfer Tashwedd yn gymuned fyd-eang o Dash-frodyr a Thash-chwiorydd - hynny yw sêr roc sy'n gwneud gwahaniaeth ym maes iechyd meddwl ac atal hunanladdiad, canser y brostad a chanser y ceilliau.

8-12 Tachwedd [Wythnos Siarad Arian](#) #SiaradArian #TalkMoney

Pob mis Tachwedd mae'r ymgyrch hwn yn annog Cymru a'r DU i siarad am reoli arian - o arian poced yr holl ffordd i bensiynau - a dathlu'r gwaith a wneir gan filoedd o sefydliadau i feithrin llesiant ariannol ledled y wlad.

Gellir dod o hyd i ddolenni i ystod o ymgyrchoedd ymwybyddiaeth iechyd hefyd trwy [wefan](#) Cymru Iach ar Waith.

---

I gofrestru ar gyfer e-fwletinau misol Cymru Iach ar Waith a gweld e-fwletinau blaenorol, cliciwch [yma](#).

---

[Cymru Iach Ar Waith](#)

